

L'ANTI-M A V R E G A R D,

OV

LE FANTOSME

DV BIEN PVBLIC.

---

M. DC. XIV.

RECEIVED

CO

Call  
F

THE NEW YORK  
LIBRARY

39

326

BY BIRMINGHAM

16/1900

THE NEW YORK

## L'AMTI-MAVREGARD,

O V L E F A N T O S M E D V

bien public,



A v y d'un nom pareil extase,  
 France ie veux monstrier qu'un Ase,  
 En bramant ses predictions  
 Sur le bon-heur des Scorpions,  
 Troubla le tien, troubla ton aise,  
 Qu'un Bouillon de drogue maunaise  
 Composé de simples peu-doux  
 De principes, t'esmeut le poux.  
 Que la partie fut bien faite ?  
 A l'Almanach d'un faux Prophete  
 A ses quolibets & Rebus,  
 Ainsi qu'au tre-pié de Phœbus,  
 Foy l'on adiousté, ô chose estrange  
 A Paris Mezieres on change,  
 Sedan, Soissons, où chacun court,  
 Et de Paris s'enfuit la Court,  
 Vn Almanach d'un faux Prophete  
 A ses vnis sert de trompette  
 Aueugles plus que Mauregard  
 Au sort qui à mauuais regard,  
 De deuiner faisant merueille,  
 Qui n'a peu sçauoir qu'à Marseille,  
 Il courberoit sous l'aïron,  
 C'est vn pauvre fat, vn liron  
 Qui s'en repent & qui deteste  
 L'art qui la faict mauuais Prophete,  
 Ce fol toutesfois à soubs-main



4  
Troublé la foire saint Germain,  
Mais ce Carefme en recompense  
Le poisson fut en abondance,  
Car à Sedan loing de la mer  
L'on faisoit marmitte escumer,  
Pour ceste Principale troupe,  
Vray est que iamais bonne souppe  
Vn tel bouillon ne fist iamais :  
Il est le brouillon de la paix,  
Dont les doigts sont autant de pinces,  
Vn vieil hableur de ieunes Princes,  
Oeconome fort prouident  
Aux soldâts donne cure-dent,  
Qui prendra si bien ses besicles,  
Que faisant de paix les articles,  
De reste on luy debura tousiours,  
En fin ils se trouueront courts  
Tous ceux qui suiuront ces amorces,  
Ne vous fiez pas en vos forces,  
Les Roys de Paris vont deuant  
Ceux de Soissons, que si au vent  
L'on met les Lys & Lauri-flamme  
L'auguste portraict qui enflamme  
D'Henry le Grand, Sedan, Iamets  
Maudiront leur maistre à iamais,  
Car si l'on croit le bruit qui vole  
Le Duc Lorrain, avec Spinolle  
Se conioignant avec nostre ost,  
Chasseront le Regnard bien tost,  
De sa taigniere sous-terrainne  
Qui au Vicomtes de Turraine  
N'appartient point, que ce grison  
Retient aux fils de la maison,  
A ceux de la March : mais ô honte

Vn mauuais leurier ne tient conte  
D'enfumer au trou le regnard.  
C'est trop parlé de ce pelard,  
Qui à Saumur moyennant voire,  
Venal trompa le Consistoire,  
Les sages conseils de Mornays  
Mais vn chacun est estonné,  
Les Parlemens avec les villes  
Ont horreur des guerres ciuiles,  
Les petits noblets mal-contents  
Disent qu'il faut prendre le temps,  
Faire la guerre & sans bataille,  
Sous Roy mineur faire gougaille,  
De la Regence se iouier,  
Et qu'en eau trouble il faut noïer.  
A Soissons est la Cour nouuelle,  
Pour le bien public on appelle  
Les Estats, & pour reformer  
La France, il faut contre elle armer:  
Leur estendard a pour deuise  
Le bien, public, O Renardise,  
Il se changera à la fin  
En priué, le plus fort & fin,  
En aura la meilleure piece,  
O nostre Dame de Liesse,  
Que vous deuez sçauoir de gré  
Au Duc du Mayne, a lieu sacré,  
Sainte Vierge où l'on vous reuerre,  
Son pere en langueur voulut faire  
Ses vœux, & mourant peu apres  
Le Front entouré de Cypres,  
A son fils donna malencontre,  
Si iamais il alloit encontre  
L'estat, le seruice du Roy,



Mais vous direz que c'est arroy,  
Ceste vnion de tant de Princes,  
N'est que pour le bien des prouinces,  
L'euenement le fera voir,  
Tous ne tendent que d'en auoir,  
Et à cil qui peut plus mal faire,  
Il faut donner plus de salaire,  
Ainsi nous disoit Gueridon,  
En France l'on ne fait guerdon  
Qu'à ceux qui s'attaquent au Louure,  
La grandeur toutes fautes couure,  
Sont ces gros thons qui vont rempant  
Les rets quel'araigne en grim pant  
Ourdist, où les petits demeurent,  
Le coupeurs de bourses en meurent  
Pour auoir couppe les pendants  
Encor qu'il n'y eust rien dedans,  
Car le vouloir en malefice  
Est reputé pour la malice.  
O bien Public, O bon vieillard,  
Couuert de la peau d'un Renard,  
Combien la Champagne, la Brie,  
Rhetel, Soissons t'inuoque & prie.  
Bien Public qui fus au viel temps  
Le sujet d'armer les Titans  
Contre les Dieux, fils de Pandore,  
Il faut que la main on te dore  
Pour te faire quitter le fer,  
Il faudroit pour en triompher  
Vn Loys vnze qui fist trefue,  
Non vn Roy mineur, vne veufue  
A qui le bien public court sus,  
Mais tous deux auront le dessus,  
Car les enfans deuiennent hommes,

7  
Et les affaires où nous sommes  
Viendront à Paris de Soissons,  
Bien Public nous te benissons:  
Car pour appaiser ceste noise,  
Il faut bailler le fort d'Amboise,  
Pour tenir Loire sous le jou,  
Poictou, la Tourraine, & l'Anjou,  
Et pour esclauer la Garonne  
Faut qu'une trompette on leur donne,  
Dont le son enroué bien tost  
Feroit amasser un grand ost,  
Qui donneroit longue vacance  
A un des Parlements de France,  
Lequel a la Roynie a rescrit,  
Qui ne veut pas son droit escrit  
Au droit Canon & de bombardes  
Sous-mettre, pour avoir nardes  
Des trompetteurs, lesquels trop pres  
Corneroyent plus haut que les arrests,  
Pour faire rengainer l'espee,  
Il leur faut la franche lippee,  
Et leur conter des millions,  
Pour soudoyer leurs legions.  
Je suis d'aduis tout qu'on leur baille,  
Sauf par apres la repesaille,  
Et le droit de reuersion,  
Que si ceste submission,  
Ne leur suffit, il faut conquerre  
A la fin la paix par la guerre,  
Et que tous soyons recueillis  
Dessous la banniere du Lys,  
Le Pape, Le Roy d'Iberie.  
Mainte estrangere seigneurie,  
Faisant l'effect de tuteurs,



8  
D'un mineur seront protecteurs,  
Afin qu'on ne leur impropere  
Que des benefices du Pere,  
Ils sont ingrats, O Holandois,  
Au fils du grand Henry tu doibs  
Secours, au fils & à la vefue,  
Car il te procurera la trefue  
Par son Ianus, Nestor prudent,  
L'estranger nous ira gardant  
Sa foy, seulement, chose estrange,  
Les François qui ayment le change  
Auront l'eternel des-honneur  
De guerroyer vn Roy mineur:  
Craignez vous point que nos Annalles  
Racontent, ames desloyalles,  
De vostre mere ingrats enfans,  
Que vous auez rompu les flancs,  
Comme les vipereaux froissent  
Ceux de leur mere, quand ils naissent,  
La vergongne & le repentir  
Vous fera bien tost ressentir  
Que vous auez pris les lizieres  
Pour le bon drap, Soissons, Mezieres,  
Pour Paris, & qu'estes au roüet,  
Ayant pris vn mauuais broüet.

Ie n'entends François ny Latin,  
Mais si ay-je appris au lettrrin  
Ceux contre vn Roy qui s'armeront,  
Que *partes vulpium erunt.*